

全上古三代秦漢三國六朝文

全晉文卷十八

烏程嚴可均校輯

何曾

曾字穎考陳國陽夏人魏太僕護子黃初初襲父爵成陽

陽一作武

亭侯爲平原侯文學明帝時累遷散騎侍郎汲郡典農中郎將給事黃門侍郎散騎常侍景初中出補河內太守齊王卽位徵拜侍中嘉平中爲司隸校尉遷尙書高貴鄉公時爲鎮北將軍都督河北諸軍事陳留王時遷征北將軍進封潁昌鄉侯咸熙初拜司徒改封朗陵侯武帝策晉王位曰爲晉丞相及受禪拜太尉進爵爲公尋拜太保領司徒進太傅又進太宰咸寧四年卒諡曰孝太康末改諡曰元

上魏明帝疏請隱核郡守

臣聞爲國者曰清靜爲基而百姓曰良吏爲本今海內虛耗事役

眾多誠宜恤養黎元悅目使人郡守之權雖輕猶專任千里比之於古則列國之君也上當奉宣朝恩已致忠和下當輕利而除其害得其人則可安非其人則爲患故漢宣稱曰百姓所已安其田里而無歎息愁恨之心者政平訟理也與我共此者其惟良二千石乎此誠可謂知政之本也方今國家大舉新有發調軍師遠征上下劬勞夫百姓可與樂成難與圖始愚惑之人能厭目前之小勤而忘爲亂之大禍者是已郡守益不可不得其人才雖難備猶宜粗有威恩爲百姓所信憚者臣聞諸郡守有年老或疾病皆委政丞掾不恤庶事或體性疏忽不己收理爲意在官積年惠澤不加於人然於考課之限罪亦不至黜免故得經延歲月而無斥罷之期臣愚曰爲可密詔主者使隱核參訪郡守其有老病不隱親人物及宰牧少恩好脩人事煩撓百姓者皆可徵還爲更選代

上魏明帝疏請選征遼東副將

景初二年正月

臣聞先王制法必全於慎故建官受任則置假副

晉書作則

陳師

命將則立監貳宣命遣使則設介副臨敵交刃則參御右蓋曰盡

思謀之功防安危之變也是曰在險當難則權足相濟隕缺不豫

則才足相代其爲國防至深至遠及至漢氏亦循舊章韓信伐趙

張耳爲謀馬援討越劉隆副軍前世之迹著在篇志今懿奉辭誅

罪精甲銳鋒步騎數萬道路迴阻四千餘里雖假天威有征無戰

寇或潛遁消散

晉書作

日月命無常期人非金石遠慮詳備誠宜

有副今北軍諸將及懿所督皆爲寮屬名位不殊素無定分統御

之尊卒有變急不相領攝存不忘亡聖達所戒臣愚曰爲宜選大

臣名將威重術著者盛其禮秩遣詣懿軍進同謀略退爲副佐雖

有萬一不虞之變軍主有儲則無患矣

魏志明帝紀注引魏名臣奏又晉書何曾傳

議貶庾純

凡斷正臧否宜先稽之禮律八十者一子不從政九十者其家不從政新令亦如之案純父年八十一兄弟六人三人在家不廢侍養純不求供養其於禮律未有違也司空公曰純備位卿尹望其有加於人而純荒酒肆其忿怒臣曰爲純不遠布孝至之行而近惜常人之失應在譏貶

晉書庾純傳純父老不歸供養太傅何曾太尉荀勗將軍齊王攸議

何遵

遵字思祖曾子泰始中爲給事黃門郎散騎常侍侍中咸寧中累遷大鴻臚免太康初起爲魏郡太守遷太僕卿

駁爲舊君反服

禮云達大夫之諸侯不反服則之天子亦不反服矣卿等已登天朝反服舊主與禮相違

通典九十泰始中尚書令史衡等是故少府鮑融故吏假請喪所行服散騎常侍何

何劭

劭字敬祖，曾次子。晉國建爲太子中庶子。武帝卽位，轉散騎常侍。咸寧中，遷侍中。惠帝初，爲太子太師，通省尙書事。後轉特進。累遷尙書左僕射。永康初，遷司徒。趙王倫篡位，已爲太宰。永嘉元年卒，贈司徒，諡曰康。有集二卷。

作武帝遺詔

昔伊望作佐，勳垂不朽。周霍拜命，名冠往代。侍中車騎將軍行太子太保領前將軍楊駿，經德履詰，鑒識明遠，毗翼二宮，忠肅茂著。宜正位上台，擬跡阿衡。其曰駿爲太尉，太子太傅，假節都督中外諸軍事，侍中錄尙書，領前將軍如故。置參軍六人，步兵三千人，騎千人，移止前衛將軍珧故府。若止宿殿中，宜有翼衛。其差左右衛三部司馬各二十人，殿中都尉司馬十人，給駿令得持兵仗出入。

晉書楊駿傳

荀粲傳

繫字倩奉。繫諸兄並曰：儒術論議而繫獨好言道，常曰：爲子貢稱夫子之言性與天道，不可得聞。然則六籍雖存，固聖人之糠粃。繫兄侯難曰：易亦云：聖人立象，已盡意；繫辭焉，已盡言；則微言胡爲不可得而聞見哉？繫荅曰：蓋理之微者，非物之象所舉也。今稱立象，已盡意，此非通於意外者也；繫辭焉，已盡言，此非言乎繫表者也。斯則象外之意，繫表之言，固蘊而不出矣。及當時能言者，不能屈也。又論父或不如從兄攸，或立德高整軌儀，已訓物而攸不治外形，愼密自居而已。繫曰：此言善攸，諸兄怒而不能迴也。太和初到京邑，與傅嘏談，嘏善名理，而繫尙玄遠。宗致雖同，倉卒時或有格而不相得意。裴徽通彼我之懷，爲二家騎驛。頃之，繫與嘏善，夏侯玄亦親常謂嘏玄曰：子等在世塗間，功名必勝我，但識劣我耳。嘏難曰：能勝功名者，識也。天下孰有本不足而末有餘者邪？繫曰：功名者，志局所獎也。然則志局自一物耳，固非識之所獨濟也。我

呂能使子等爲貴然未必齊子等所爲也。粲常曰婦人者才智不足論自宜呂色爲主。驃騎將軍曹洪女有美色。粲於是娉焉。容服帷帳甚麗。專房歡宴。歷年後婦病亡。未殯。傳嘏往。嘏不哭而神傷。嘏問曰婦人才色竝茂爲難。子之娶也遺才而好色。此自易遇。今何哀之甚。粲曰佳人難再得。願逝者不能有傾國之色。然未可謂之易遇。痛悼不能已。歲餘亦亡。時年二十九。粲簡貴不能與常人交接。所交皆一時俊傑。至葬夕赴者裁十餘人。皆同時知名士也。哭之感動路人。

魏志荀彧傳注

王弼傳

弼幼而察惠。年十餘。好老氏。通辯能言。父業爲尚書郎。時裴徽爲吏部郎。弼未弱冠往造焉。徽一見而異之。問弼曰。夫无者誠萬物之所資也。然聖人莫肯致言。而老子申之無已者何。弼曰。聖人體无。无又不可言訓。故不說也。老子是有者也。故恆言無。所不足尋。

亦爲傳嘏所知。於時何晏爲吏部尙書。甚奇嘏。歎之曰。仲尼稱後生可畏。若斯人者。可與言天人之際乎。正始中。黃門侍郎累缺。晏旣用賈充。裴秀朱整。又議用嘏。時丁謐與晏爭衡。致高邑王黎於曹爽。爽用黎。於是呂嘏補臺郎。初除。覲爽。請閒。爽爲屏左右。而嘏與論道。移時無所他及。爽曰。此嗤之時。爽專朝政。黨與共相進用。嘏通儒。不治名高。尋黎無幾。時病亡。爽用王沈代黎。嘏遂不得在門下。晏爲之歎恨。嘏在臺旣淺。事功亦雅非所長。益不留意焉。淮南人劉陶善論縱橫。爲當時所推。每與嘏語。常屈嘏。嘏天才卓出。當其所得。莫能奪也。性和理。甄文類聚七十樂遊宴解音律善投壺。四作性好吼理。其論道附會文辭。不如何晏。自然有所拔得多晏也。頗呂所長笑人。故時爲士君子所疾。嘏與鍾會善。會論議。呂校練爲家。然每服嘏之高致。何晏呂爲聖人。無喜怒哀樂。其論甚精。鍾會等述之。嘏與不同。呂爲聖人。茂於人者。神明也。同於人者。五情也。神明茂

故能體沖和已通無五情同故不能無哀樂已應物然則聖人之
情應物而無累於物者也今已其無累便謂不復應物失之多矣
弼注易潁川人苟融難弼大衍義弼荅其意白書已戲之曰夫明
足已尋極幽微而不能去自然之性顏子之量孔父之所預在然
遇之不能無樂喪之不能無哀又常狹斯人已爲未能已情從理
者也而今乃知自然之不可革足下之量雖已定乎胸懷之內然
而隔踰旬朔何其相思之多乎故知尼父之於顏子可已無大過
矣弼注老子爲之指略致有理統注道略論注易往往有高麗言
太原王濟好談病老莊常云見弼易注所悟者多然弼爲人淺而
不識物情初與王黎苟融善黎奪其黃門郎於是恨黎與融亦不
終正始十年曹爽廢已公事免其秋遇病疾亡時年二十四無子
絕嗣弼之卒也晉景王聞之嗟嘆者累日其爲高識所惜如此

鍾會傳注

案世說文學
篇注引弼別傳其文小異

鄭沖

沖字文和，榮陽開封人。魏黃初中，爲太子文學。後遷尙書郎，出補陳畱太守。曹爽引爲大將軍從事中郎，轉散騎常侍。光祿勳嘉平三年，拜司空。高貴鄉公時，轉司徒。陳畱王卽位，拜太保，位在三司上，封壽光侯。晉受禪，拜太傅，進爵爲公。泰始十年卒，諡曰成。

甲乙問議

甲失禮於家，二嫡竝存，誠非人子所得正。則乙景之子竝當三年。

禮宜從重。

晉書禮志中

王祥

祥字休徵，琅邪臨沂人。漢末避亂，隱居三十餘年。魏黃初中，徐州刺史呂虔檄爲別駕。舉秀才，除溫令。累遷大司農。高貴鄉公卽位，封關內侯。拜光祿勳，轉司隸校尉。遷太常，封萬歲亭侯。爲

三老陳留王卽位拜司空轉太尉加侍中封睢陵侯晉受禪拜太保進爵爲公泰始五年卒年八十五諡曰元

訓子孫遺令

夫生之有死自然之理吾年八十有五啟手何恨不有遺言使爾無述吾生值季末登庸歷試無毗佐之勳沒無已報氣絕但洗手足不煩沐浴勿纏尸皆澣故衣隨時所服所賜山玄玉佩衛氏玉玦綬皆勿已斂西芒上土自堅貞勿用臂石勿起墳壟穿深二丈椁取容棺勿作前堂布几筵置書箱鏡奩之具棺前但可施牀榻而已糒脯各一盤玄酒一盃爲朝夕奠家人大小不須送喪大小祥乃設特牲無違余命高柴泣血三年夫子謂之愚閔子除喪出見援琴切切而哀仲尼謂之孝故哭泣之哀日月降殺飲食之宜自有制度夫言行可覆信之至也推美引過德之至也揚名顯親孝之至也兄弟怡怡宗族欣欣悌之至也臨財莫過於讓此五

者立身之本顏子所曰爲命未之思也夫何遠之有

晉書王祥傳

王衍

衍字夷甫祥從孫泰始中尙書盧欽舉爲遼東太守不就後爲太子舍人遷尙書郎除元城令入爲中庶子黃門侍郎惠帝時歷北軍中候中領軍尙書令拜河南尹轉尙書又爲中書令成都王穎曰爲中軍師累遷尙書僕射領吏部復爲尙書令司宏司徒遷太尉爲石勒所殺

謝表

蒙賜臣單衣紫綃金革帶臣謹佩服終矢勿諼

書鈔一百二十八

荅山簡書

山子曰正字拔人然未易可稱

世說新語

王敦

敦字處仲祥弟覽之孫尙武帝女襄城公主拜駙馬都尉除太

子舍人惠帝時歷給事黃門郎散騎常侍左衛將軍大鴻臚侍
中出爲廣武將軍壽州刺史懷帝時徵爲中書監拜揚州刺史
元帝召爲安東軍諮祭酒復拜揚州刺史加廣武將軍進左將
軍又進鎮東大將軍開府儀同三司都督江揚荆湘交廣六州
諸軍事江州刺史封漢安侯建武初遷征南大將軍加荊州牧
永昌初與劉隗不睦舉兵入石頭拜丞相江州牧進爵武昌郡
公還屯武昌自加督益益二州明帝時移鎮姑孰自爲揚州牧
病卒戮尸懸首南桁有集十卷

敦皆非處仲蓋同
時同姓名有三

案祖納傳平北將軍王敦辟爲
從事華陽國志大同志又有王

表庾亮爲中書監

中書令領軍庾亮清雅履正可中書監領軍如故

御覽二
百二十

表王舒

舒風槩簡正允作雅人自多於邃最是臣少所知拔中間夷甫澄

見語卿知處明茂弘茂弘已有令名真副卿清論處明親疏無知之者吾常曰卿言爲意殊未有得恐已悔之臣慨然曰君曰此試頃來始乃有稱之者言常人正自患知之使過不知使負實□□舉賀循爲賢良杜夷爲方正疏

臣聞有唐疇咨元凱時登漢武欽賢俊彥響應故能允協時雍敷崇盛化伏見太孫舍人會稽賀循處士廬江杜夷履道彌高清操絕俗思學融通才經王務循宰二縣皆有名績備僚東宮忠恪允著夷清虛沖淡與俗異軌考盤空谷肥遁匿跡蓋經國之良寶聘命之所急若得待詔公車承對冊問必有忠譴良謨弘益政道矣

晉書杜夷傳

辭荊州牧疏

昔漢祖曰神武革命開建帝業繼曰文帝之賢纂承洪緒清虛玄默擬跡成康賈誼歎息曰爲天下倒懸雖言有抑揚不失事體今

聖朝肇建漸振宏綱往段匹磾遣使求效忠節尙未有勞便曰方
州與之今靳明等爲國雪恥欲除大逆此之志望皆欲附翼天飛
雖功大宜報亦宜有已裁之當杜漸防萌慎之在始中間不逞互
生事變皆非忠義率曰一朝之榮天下漸弊實由於此春秋之時
天子微弱諸侯奢侈晉文思崇周室至有求隧之請襄王讓之曰
禮聞義而服自爾諸侯莫敢越度臣謂前者賊寇未殄苟曰濟事
朝廷諸所加授頗多爵位兼重今自臣曰下宜加除之且曰塞羣
小矜功之望夷狄無厭之求若復遷延顧望流俗使姦狡生心遂
相怨謗指摘朝廷讒諛蜂起臣有曰知陛下無已正之此安危之
機天下之望臣門戶特受榮任備兼權重渥恩偏隆寵過公族行
路厮賤猶謂不可臣獨何心可已安之臣一宗誤陛下傾覆亦將
尋至雖復灰身剖心陛下追悔將何所及伏願諒臣至款及今際
會小解散之並授賢雋少慰有識各得盡其所懷則人思競勸矣

州牧之號所不敢當輒送所假侍中貂蟬又宜并官省職以塞羣

小覬覦之望

晉書王
敦傳

上疏言王導

導昔蒙殊寵委日事機虛已求賢竭誠奉國遂藉恩私居輔政之
重帝王體遠事義不同雖皇極初建道教方闡惟新之美猶有所
闕臣每慷慨於遐遠愧憤於門宗是日前後表疏何嘗不寄言及
此陛下未能少垂顧盼暢臣微懷云導頃見疏外所陳如昨而其
萌已著其爲咎責豈惟導身而已羣從所蒙竝過才分導誠不能
自量陛下亦愛忘其短常人近情恃恩昧進獨犯龍鱗迷不自了
臣竊所自憂慮未詳所由惶愧踴躍情如灰土天下事大盡理實
難導雖凡近未有穢濁之累既往之勲疇昔之願情好綢繆足曰
厲薄俗明君臣合德義同古賢昔臣親受嘉命云吾與卿及茂弘
當管鮑之交臣忝外任漸冉十載訓誘之誨日有所忘至於斯命

銘之於心。竊猶眷眷。謂前恩不得一朝而盡。伏惟陛下聖哲日新。廣延俊乂。臨之曰政。齊之曰禮。頃者令導內綜機密。出錄尚書。杖節京都。并統六軍。既爲刺史。兼居重號。殊非人臣之體。流俗好評。必有譏謗。宜省錄尚書杖節。及都督。且王佐之器。當得宏達遠識。高正明斷。道德優備者。臣聞識未見其才。然於見人。未踰於導。加輔翼積年。實盡心力。霸王之主。何嘗不任賢使能。共相終始。管仲有三歸反玷之譏。子犯有臨河要君之責。蕭何周勃得罪罔圖。然終爲良佐。曰導之才。何能無失。當令任不過分。役其所長。曰功補過。要之將來。導性慎密。尤能忍事。善於斟酌。有文章才義。動靜顧問。起予聖懷。外無過寵。公私得所。今皇祚肇建。八表承風。聖恩不終。則遐邇失望。天下荒弊。人心易動。物聽一移。將致疑惑。臣非敢苟私親親。惟欲忠於社稷。晉書王敦傳

上疏罪狀劉隗

劉隗前在門下邪佞諂媚譖毀忠良疑惑聖聽遂居

魏書晉司馬徽傳作遂乘

權寵撓亂天機威福自由有識杜口大起事役勞擾士庶外託舉
義內自封植奢僭過制乃曰黃散爲參軍晉魏曰來未有此比傾
盡帑藏曰自資奉賦役不均百姓嗟怨免良人奴自爲惠澤自可
使其大田曰充倉廩今便割配皆充隗軍臣前來迎諸將妻息聖
恩聽許而隗絕之使三軍之士莫不怨憤又徐州流人辛苦經載
家計始立隗悉驅逼曰實已府當陛下踐阼之始投刺王官本曰
非常之慶使豫蒙榮分而更充征役復依舊名普取出客從來久
遠經涉年載或死亡滅絕或自贖得免或見放遣或父兄時事身
所不及有所不得輒罪本主百姓哀憤怨聲盈路身欲北渡曰遠
朝廷爲名而密知機要潛行險惡進人退士高下任心姦狡獲養
未有隗比雖無忌宰誦弘恭石顯未足爲喻是曰遐邇憤慨羣后
失望臣備位宰輔與國存亡誠乏平勃濟時之略然自忘齋駟志

存社稷豈忍坐視成敗曰勸聖美事不獲已今輒進軍同討姦孽

魏書作今趣進

願陛下深垂省察速斬隗首

此句從魏書補則

眾望厭服皇祚復降隗首朝懸諸軍夕退昔太甲不能遵明湯典

顛覆厥度幸納伊尹之訓殷道復昌漢武雄略亦惑江充讒佞邪

說至乃父子相屠流血丹地終能剋悟不失大綱今日之事有逾

於此賢智故有先失後得者矣

此十字從魏書補

願陛下深垂三思諮詢

善道則四海乂安社稷永固矣

陛下昔鎮揚州虛心下士優賢任能寬日得眾故君子盡心小人

畢力臣日聞蔽豫奉徽猷是日遐邇望風有識自竭王業遂隆惟

新克建四海延頸咸望太平自從信隗已來刑罰不中街談巷議

皆云如吳之將亡聞之惶惑精魂飛散不覺胸臆摧破泣血橫流

陛下當全祖宗之業存神器之重察臣前後所啟奈何棄忽忠言

遂信姦佞誰不痛心願出臣表諮之朝臣介石之幾不俟終日令

諸軍早還不至虐擾

晉書王敦傳

上言父子生離服限

建武元年

自頃中原喪亂父子生乖或喪靈客寄奔迎阻隔而皆制服將向
十載終身行喪非禮所許稱之者難空絕婚娶昔東關之役事同
今日三年之後不廢婚宦苟南北圯絕非人力所及者宜使三年
喪畢率由舊典也

通典九十八

與劉隗書

頃承聖上顧眄足下今大賊未滅中原鼎沸欲與足下周生之徒
戮力王室共靜海內若其泰也則帝祚於是乎隆若其否也則天
下永無望矣

晉書劉隗傳

與王導書後自手筆

大真別後幾日作如此事

晉書溫嶠傳又魏書晉司馬紹傳作別來

書

敦頓首頓首、蜡節忽過、歲暮感悼傷悲、意想自如常、比苦腰痛憤
憤、得示知意及不日悉、王敦頓首頓首、

消化閣
帖二

賜進士出身一品銜廣東等處提刑按察使司按察使兼管驛傳事務黃岡王毓藻校刊

全晉文卷十九

烏程嚴可均校輯

王導

導字茂弘，敦從弟，襲祖覽爵。卽丘子。元康末，司空劉寔引爲東閣祭酒，尋參東海王越軍事。元帝鎮下邳，請爲安東司馬。永嘉末，遷丹陽太守，加輔國將軍，尋拜監遠將軍，加振威將軍。愍帝卽位，徵爲吏部郎，不就。晉國建，曰爲丞相軍諮祭酒，拜右將軍，揚州刺史，監江南諸軍事，遷驃騎將軍，加散騎常侍，領中書監，錄尙書事，及稱尊號，進驃騎大將軍，儀同三司，封武岡侯。進侍中，司空，假節，領中書監，尋代賀循領太子太傅，加尙書令。明帝卽位，遷司徒，封始興郡公。進太保。成帝時，進太傅，拜丞相。咸和五年卒，年六十四。諡曰文獻，有集十一卷。

轉陳耽謝鸞敎

丹陽從事陳耽器局弘正可轉王簿吳興從事謝鸞才幹正直可

轉西曹

御覽二百六十
五引王丞相集

祭衛玠敘

衛洗馬明當改葬此君風流名士海內民望可修三牲之祭敦舊

好

御覽五百五十
五引衛玠別傳

求別駕敘

顧和理識清敏劭令端古宜得其才已爲別駕

通典三十二
引王丞相集

表

臣乞得除中書監持節專壹所司竭誠保傳惟力是視

御覽二百
二十引王

導
表

上疏論諡法

臣聞大行受大名小行受小名則實稱不誣而已近代已來惟爵
得諡武官牙門有爵必諡卿校常伯無爵悉不賜諡甚失制諡之

本今中興肇建勳德兼備宜深體前訓使行曰論彰豈可限曰有
爵書鈔九十四王遵上疏抗文類聚四十引中興書作王遵御覽
五百六十二引晉中興書作王遵上疏案王遵諡文獻御覽
下條引宋書王儉卒禮官欲依王遵諡爲
文獻證知是王遵之誤東晉初無王遵也

上疏請自貶

徐龕叛戾久稽天誅臣創議征討調舉羊鑒鑒閭懦覆師有司極
法聖恩降天地之施全其首領然臣受重任總錄機衡使三軍挫
衄臣之責也乞自貶黜曰穆朝倫晉書王
遵傳

請建立國史疏

夫帝王之迹莫不必書著爲令典垂之無窮宣皇帝廓定四海武
皇帝受禪於魏至德大勳等蹤上聖而紀傳不存於王府德音未
被乎管絃陛下聖明當中興之盛宜建立國史撰集帝紀上敷祖
宗之烈下紀佐命之勲務曰實錄爲後代之準厭率土之望悅人
神之心斯誠雍熙之至美王者之弘基也宜備史官敕佐著作郎

全晉文卷十九

千寶等漸就撰集

晉書千寶傳

上疏請修學校

夫治化之本在於正人倫。人倫之正存乎設庠序。庠序設而五教明。則德化洽通。彝倫攸敘。有恥且格也。父子兄弟夫婦長幼之序順。而君臣之義固矣。易所謂正家而天下定者也。故聖王蒙己養正。少而教之。使化沾肌膚。習已成性。有若自然。日遷善遠罪。而不自知行。成德立然後裁之。曰位。雖王之嫡子猶與國子齒。使知道而後貴。其取才用士咸先本之於學。故周禮鄉大夫獻賢能之書於王。王拜而受之。所曰尊道而貴士也。人知士之所貴。由乎道存。則退而修其身。修其身曰及其家。正家曰及於鄉。學於鄉曰登於朝。反本復始。各求諸己。敦素之業。著浮僞之道。息放使然也。故曰之事君則忠。用之莅下則仁。卽孟軻所謂未有仁而遺其親義而後其君者也。自頃皇綱失統。禮教陵替。頌聲不興。於今二紀。傳曰。

三年不爲禮禮必壞三年不爲樂樂必崩而況如此其久者乎先進漸忘揖讓之容後生唯聞金革之響干戈日尋俎豆不設先王之道彌遠華僞之風遂滋非所已習民靖俗端木抑末之謂也殿下已命世之資屬當傾危之運禮樂征伐翼成中興將滌穢蕩瑕撥亂反正誠宜經綸稽古建明學校闡揚六藝已訓後生使文武之道墜而復興方今小雅盡廢戎虜扇熾節義陵遲國恥未雪忠臣義士所已扼腕拊心禮樂政刑當竝陳已俱濟也苟禮義膠固純風載洽則化之所陶者廣而德之所被者大義之所屬者深而威之所振者遠矣由斯而進則可朝服濟河使帝典闕而復補王綱弛而更張饗養改情獸心革面揖讓而蠻夷服緩帶而天下從得乎其道者豈難也哉故有虞舞干戚而三苗化魯僖作泮宮而淮夷平桓文之霸皆先敎而後戰今若聿遵前典興復敎道使朝之子弟竝入於學立德出身者咸習之而後通德路開而僞塗塞

則其化不肅而成不嚴而治矣。選明博脩禮之士，曰爲之師。隆敎
貴道，化成俗定，莫尙於斯也。

宋書禮志一建武初驃騎將軍王導上疏又晉書王導傳作上書有剛節

議復肉刑

肉刑之典，由來尙矣。肇自古先，曰及三代，聖哲明王，所未曾改也。豈是漢文常主所能易者乎？時蕭曹已沒，絳灌之徒，不能正其義。逮班固深論其事，曰爲外有輕刑之名，內實殺人。又死刑太重，生刑太輕，生刑縱於上，死刑怨於下，輕重失當，故刑政不中也。且原先王之造刑也，非曰過怒也，非曰殘民也，所已救姦，所已當罪也。今盜者竊人之財，淫者好人之色，亡者避叛之役，皆無殺害也，則刑之曰刑，刑之則止，而加之斬戮，戮過其罪，死不可生，縱虐於此，歲曰巨計。此乃仁人君子所不忍聞，而況行之於政乎？若乃惑其名而不練其實，惡其生而趣其死，此畏水投舟，避坎陷井，愚夫之不若，何取於政哉？今大晉中興，遵復古典，率由舊章，起千載之滯。

義極百殘之遺黎使皇典廢而復存黔首死而更生至義暢於三代之際遺風播乎百世之後生肉枯骨惠侔造化豈不休哉惑者乃曰死猶不可懲而況於刑然民者冥也其至愚矣雖加斬戮忽為灰土死事日往生欲日存未曰為改若刑諸市朝朝夕鑒戒刑者思為惡之永痛惡者覩殘刑之長廢故足懼也然後知先王之輕刑曰御物顯誠曰懲愚其理遠矣

晉書刑法志又見羣書治要二十九引晉書又通典一百

議追贈周札

札在石頭忠存社稷義在亡身至於往年之事自臣等有識曰上與札情豈有異此言實貫於聖鑒論者見茲逆既彰便欲徵往年已有不臣之漸即復使爾要當時眾所未悟既悟其茲萌札與臣等便曰身許國死而後已札亦尋取梟夷朝廷檄命既下大事既定便正曰為逆黨邪正失所進退無據誠國體所宜深惜臣謂宜

與周顗戴若思等同例

晉書列傳周札傳

重議周札贈諡

省令君議必札之開門與譙王琨戴異今札開門直出風言竟實事邪使呂風言定褒貶意莫若原情考徵也論者謂札知隗協亂政信敦匡救苟匡救信姦佞除卽所謂流四凶族呂隆人主巍巍之功耳如此札所呂忠於社稷也後敦悖謬出所不圖札亦闔門不同呂此滅族是其死於爲義也夫信敦當時之匡救不圖將來之大逆惡隗協之亂政不失爲臣之貞節者於時朝士豈惟周札邪若盡謂不忠懼有誣乎譙王周戴各呂死衛國斯亦人臣之節也但所見有同異然期之於必忠故宜申明耳卽如令君議宋華齊高其在隗協矣昔子糾之難召忽死之管仲不死若呂死爲賢則管仲當貶若呂不死爲賢則召忽死爲失先典何呂兩通之明爲忠之情同也死雖是忠之一目亦不必爲忠皆當死也漢祖遺

約非劉氏不王非功臣不侯違命天下共誅之後呂后王諸呂周勃從之王陵延爭可不謂忠乎周勃誅呂尊文安漢社稷忠莫尙焉賊王陵又何足言而前史兩爲美談固知死與不死爭與不爭苟原情盡意不可定於一概也且札闔棺定諡違逆黨順受戮凶邪不負忠義明矣

晉書周札傳

請原羊聃啟

罪不容恕宜極重法山太妃憂戚成疾陛下罔極之恩宜蒙生存之宥

晉書羊曼傳

遷丹陽太守上牋

昔魏武達政之主也荀文若功臣之最也封不過亭侯倉舒愛子之寵贈不過別部司馬曰此格萬物得不局跡乎今者臨郡不問賢愚豪賤皆加重號輒有鼓蓋動見相準時有不得者或爲恥辱天官混雜朝望穢毀導叅荷重任不能崇浚山海而開導亂源饗

竊名位取紊彝典謹送鼓蓋加崇之物請從導始庶令雅俗區別

羣望無惑

晉書王導傳
通典三十三

與賀循書論展廟

王所崇惜者體也未敢當正位入廟及毀廢之所不知便可得爾

不

通典四
十七

戴若思欲於七廟立后別室

同上

又與賀循書問卽位告廟

或謂宜祭壇拜受天命者或謂直當稱億兆羣臣告四祖之廟而
行者若爾當立行廟主今固辭尊號俯順羣情還依魏晉故事然
魏晉皆稟命而行不知今進璽當云何

通典五
十五

得刁僕射書曰如此京兆是宣帝祖章都是父也至惠帝爲七廟
至懷帝京兆府君應落想足下亦是識刁侯不欲告惠懷二帝不
知於禮云何

通典五
十五

荅荀松書

意謂君位永固無復甄還子位之理惠帝至先帝雖四君今亦不
目一君爲一代何嫌二代之中重四君邪今廟尙居上祀何得居
下若甄下則逆祀也通典四十八

荅陶侃書

默居上流之勢如有松艦成資故包含隱忍使其有地一月潛嚴
足下軍到是日得風發相赴豈非遵養時晦日定大事者邪晉書陶侃傳

遺王含書

近承大將軍困篤縣縣或云已有不諱悲怛之情不能自勝尋知
錢鳳大嚴欲肆奸逆朝士忿憤莫不扼腕去月二十三日得征北
告劉遐陶瞻蘇峻等深懷憂慮不謀同辭郡邑大小及二宮宿衛
咸懼有往年之掠不復保其妻孥是日聖主發赫斯之命具如傲

旨近有嘉詔崇兄八命望兄獎羣賢忠義之心抑奸細不逞之計
當還武昌盡力藩任卒奉來告乃承與犬羊俱下雖當逼迫猶曰
罔然兄立身率素見信明於門宗年踰耳順位極人臣仲王安期
亦不足作佳少年本來門戶良可惜也兄之此舉謂可得如大將
軍昔年之事乎昔年佞臣亂朝人懷不盪如導之徒心思外濟今
則不然大將軍來屯於湖漸失人心君子危怖百姓勞弊將終之
日委重安期安期斷乳來幾日又於時望便可襲宰相之迹邪自
開闢以來頗有宰相孺子者不諸有耳者皆是將禪代意非人臣
之事也先帝中興遺愛在人聖主聰明德洽朝野思與賢哲弘濟
艱難不北面而執臣節乃私相樹建肆行威福凡在人臣誰不憤
歎此直錢鳳不良之心聞於遠近自知無地遂唱姦逆至如鄧伯
山周道和恆有好情往來人士咸皆明之方欲委任與共勦力非
徒無慮而已也尊門戶小大受國厚恩兄弟顯寵可謂隆矣導雖

不武情在盛國今日之事明目張膽爲六軍之首盛忠臣而死不
無賴而生矣但恨大將軍桓文之功不遂而兄一旦爲逆節之臣
負先人平素之志既沒之且何顏見諸父於黃泉謁先帝於地下
邪執省來告爲兄羞之且悲且慚願速建大計惟取錢鳳一人使
天下獲安家國有福故是竹素之事非惟免禍而已夫福如反手
用之卽是導所統六軍石頭萬五千人宮內後苑二萬人護軍屯
金城六千人劉遐已至征北昨已濟江萬五千人召天子之戚文
武畢力豈可當乎事猶可追兄早思之大兵一奮導召爲灼烜也
晉書王敦傳

與從子允之書

太保安豐侯召孝聞天下不得辭司隸和長輿海內名士不免作
中書令吾羣從死亡略盡子弟零落遇汝如親如其不爾吾復何
言晉書王允之傳時允之召父憂去職既葬除義興太守不拜導與書

書

省示具卿辛酸之至吾甚憂勞卿此事亦不盡忘然書足下所欲
致身處尙在穀中王制正自欲不得許卿當如何導亦天明往化

閣帖

導白改朔情增傷感溼蒸事何如頗小覺損不帖有應足下懸耿
連哀勞滿悶不具王導同上

塵尾銘

道無常貴所適惟理

誰執文類聚作勿

謂質卑御于君子拂穢清暑虛心

已俟

北堂書鈔一百三十四藝文類聚六十九御覽七百三

王恬

恬字敬豫導次子襲爵卽丘子除中書郎遷後將軍魏郡太守
加給事中領兵鎮石頭父憂去官起爲後將軍復鎮石頭轉吳
國會稽內史加散騎常侍卒贈中軍將軍諡曰憲

書

得示知足下問吾故不差殊劣劣力不具王恬白

溶化閣帖三

王誕

誕字茂世恬孫襲父混爵雒鄉侯歷祕書郎琅邪王文學中軍功曹又補元顯後軍府功曹除尚書吏部郎仍為後軍長史領廬江太守加鎮蠻護軍轉龍驤將軍琅邪內史隨府轉驃騎長史桓玄輔政徙廣州為盧循平南府長史還除員外散騎常侍未拜太尉劉裕請為諮議參軍轉長史從征南燕領齊郡太守還吳國內史母憂去職義熙九年卒追贈作唐縣侯

案宋書傳亮傳高祖

文筆北征廣固悉委長史王誕又案王誕宋書有傳

伐廣固祭牙文

敬建崇牙顯茲威靈使鳴金輟鼓無戰有盜皇風幽被凱旆歸旌

藝文類聚六十卷

卷三百三十九

王洽

洽字敬和導第三子康帝時爲散騎中書郎穆帝時爲中軍長史司徒左長史建武將軍吳郡內史徵拜領軍尋加中書令固讓不拜有集五卷

臨吳郡上表

前民辭求相鬻賣一則救命二則供官方今之要當課功受業又蟲鼠爲害瓜麥蕩盡編戶偃屍葬埋無主閭門餓餒烟火不舉北堂書鈔一百五十六又御覽三十五引王洽集

辭中書令表

竊已中書職掌機管有由來矣漢武之世始建此職歷代時宜置廢遂重武帝朝苟助張華竝爲其任中興以來宰相居也北堂書鈔五十一

洽集

書

洽白辱告承問。洽故爾劣劣。冀已復敘。還日一作白不具。王洽再拜。

洽頓首言。不孝禍深。備紛嬰荼毒。陰恃亡兄仁愛之訓。冀終百年。永有憑奉。何圖慈兄一旦背棄。悲號哀摧。肝心如抽。痛毒煩冤。不自堪忍。酷當奈何。痛當奈何。重告慟至。感增斷絕。執筆哽涕。不知所言。洽頓首言。帖二

洽頓首言。兄子號毀不可忍視。撫之摧心。發言哽慟。當復奈何。奈

何。洽頓首言。帖二

洽白。向感塞不成教。得告承問。殊乏劣。白不具。王洽再拜。帖二

與林法師書

洽稽首和南。夫教之所由。必暢物之所未悟。物之所已通。亦得之於師資。雖元宗冲緬。妙旨幽深。然所已會之者。固亦簡而易矣。是已致雖遠。必假近言。已明之理。雖昧。必借朗喻。已微之故。夫殆墜之旨。略可得之於千載。將絕之趣。可悟之於一朝。今本無之談。旨

略例坦然每經明之可謂眾矣然造精之言誠難爲允理詣其極
通之未易豈可已通之不易因廣同異之說遂令空有之談紛然
大殊後學遲疑莫知所擬今道行指歸通敘色空甚有清致然未
詳經文爲有明旨邪或得之於象外觸類而長之乎今眾經甚多
或取譬不遠豈無一言昭然易喻古人有云聖人之言可能使人
信之不可能已徵之於文未知所釋今故諮其數事思聞嘉誨
呂啟其疑洽頓首和南

廣宏明集
三十五

王劭

劭字敬倫導第五子歷東陽太守吏部郎司徒左長史丹楊尹
遷吏部尙書尙書僕射領中領軍出爲建威將軍吳國內史卒
贈車騎將軍諡曰簡

書

劭白明便夏節哀慕崩摧肝心抽絕煩冤淵深不自忍任痛當柰

何當復奈何得告爲慰腫轉差勞悴勿勿力及不次王劭再拜化

閣帖
三

賜進士出身三品銜廣東等處提刑按察使司按察使兼管驛傳事務閩王毓藻校刊

全晉文卷十九終

全晉文卷二十

烏程嚴可均校輯

王珣

珣字元琳小字法護洽子弱冠爲桓溫掾轉主簿已從討袁真
功封交趾望海縣東亭侯轉大司馬參軍琅邪王友中軍長史
給事黃門侍郎後忤謝安出爲豫章太守不之官除散騎常侍
不拜遷祕書監安卒遷侍中轉輔國將軍吳國內史徵爲尙書
右僕射領吏部轉左僕射加征虜將軍復領太子詹事安帝卽
位遷尙書令王恭舉兵拜衛將軍都督琅邪水陸軍事事平加
散騎常侍隆安四年已疾解職歲餘卒追贈車騎將軍開府諡
曰獻穆桓玄輔政改贈司徒有集十一卷

奏追崇鄭太后

按太常臣等議曰春秋之義母曰子貴故仲子成風咸稱夫人

經云考仲子之宮明不配食也。且漢文詔二太后並繫子號宜遠
准春秋考宮之義近摹二漢不配之典尊號既正宜改築新廟顯
崇尊稱則罔極之情申別建寢廟則嚴禰之道著繫子爲稱兼明
貴之所繇一舉而三義已允固哲王之高致可如肩等議追尊會
稽太妃爲簡皇太后也。□□□□□□

書

三月四日珣頓首。末冬眾感得七月書知問郎何如服弊憂之劣
不具王珣頓首白。消化閣帖二

與范甯書論釋慧持

遠公持公孰愈。高僧傳

重與范甯書

但令如兄誠未易有況弟復賢邪。高僧傳

林法師墓下詩序

余自靈康二年命駕之剡石城山卽法師之丘也高墳鬱爲荒楚
丘隴化爲宿莽遺跡未滅而其人已遠感想平昔觸物悽懷

世說

琴贊

穆穆和琴至至愔愔如彼清風冷焉經林

藝文類聚四十
四初學記十

虎丘山銘

虎丘山先名海涌山

藝文類
聚八

孝武帝哀策文

同軌畢至百司胥亞法物夕陳輻輳夙駕親執饋奠長號永夜懼
鼓刻之過盡哀良辰之莫借悲宮宇之寥廓痛聖儀之幽化夫至
德無名固理絕稱謂然視史陳辭亦臣子所貴寄窮情于翰墨庶
遺塵之髣髴其辭曰

惟皇作樞五德迭膺康實復夏武亦隆晉暨暨太宗希夷其韻鏡
之者玄撫之者順於穆皇考嗣徽絕軌前聖後哲契合一揆心去

其伐行遺其美廢華任誠捨筌存旨惟深通志羣方咸秩惟幾成
務能事斯畢未若我皇至則不疾恢恢天網疏而莫失居有已虛
宰多已少簡則可從易則不擾信及豚魚澤被億兆湛然司契坐
一八表園陵既衛威靈赫赫子來既構寢廟奕奕武曰止戈我不
極役文教聿脩有恥且格跡有遠邇感無高深道之所被改色革
音皓獸馴苑素羽棲林殊柯通理異蒂同根方融玄液陶鑄斯民
雲韶侯奏比屋思淳積祐莫應天罰奄臻太山積溝洪瀆竭津何
殃之甚何酷之殷自罹旻凶二氣宋書南史王代變霜繁廣除風
迴高殿此二語王誕所益見帷幙空張肴俎虛薦極聽無聞詳視
罔見人神道殊吉凶有禮迴筮參謀埏隨告啟史臣考古警者在
陞攀援忪忪惟兄及弟龍輿肅已引退前驪紛已抗旒城闕儼已
整列馳道互已通修感乎昔之所幸豈斯路之復由輓哀唱已翼
衡駟悲鳴而顧輶違華宇之晰晰卽永夜之悠悠奉靈輓而長訣

彌終天而莫收訴穹蒼已叫踊洞五內其若抽儼性命之可贖甘
人百於山丘茫茫大運靡始不終哲王遺世貴在道融昭哉我皇
萬代流風良史式述德音永隆

魏文類聚十三

祭徐聘士文

豫章徐先生陶精太和誕膺一德藏器高樞確爾特立貞一足已
制羣動純本足目息浮末宣尼有言不事王侯高尚其事若先生
者抑亦當之矣限茲遐路無由造敬係佇靈宇乃情依依故貢薄
祀昭述宿心神而有靈儼垂尙饗

魏文類聚三十八

王珉

珉字季琰小字僧彌洽次子歷著作散騎郎國子博士黃門侍
郎侍中代王獻之爲中書令卒贈太常卿有集十卷

告廟議

中朝大事告天地先郊後廟

通典五十五

荅徐邈書

詹事彈肅一宮如尙書令中丞矣

魏文類聚四十九御覽二百四十五

見傅咸彈孫詹事或云是宮或云坊或云寺此東宮中別有坊又中庶子稱坊詹事稱寺寺同於九卿耳坊是通名如天朝之稱臺省也

魏文類聚六十二

雜帖

珉頓首頓首此年垂竟悲懷兼制不自勝奈何奈何寒切體中比何侶甚耿耿僕疾遂不差眠食少憂深遣書不次王珉頓首頓首

清化閣帖二

十八日珉白比二書慙至未更近問懸情不適已可不吾病疾故

爾憂深力書不具王珉敬問

清化閣帖二

何如僕故頓弊力書不次王珉頓首頓首上下何如僕上下大都蒙恩得書至之吾云今欲出耳吾此月急遣廿四日王濟祖旦欲

必赴卿可勉過明吾當下解相待食出亦遣報既至王家畢卿可豫檄光公令作一頓美食可投其飯也王琨相報

清化閣帖一

論序高座師帛尸黎蜜多羅

春秋吳楚稱子傳者曰爲先中國後四夷豈不曰三代之崩行乎殊俗之禮曰戎狄貪婪無仁讓之性乎然而卓世之秀時生於彼逸羣之才或侔乎茲故知天授英偉豈俟於華戎自此已來唯漢世有金日磾然日磾之賢盡於仁孝忠誠德信純至非爲明達足論高座心造峯極交儔目神風領朗越過之遠矣

高僧傳一

王琨

琨導孫襲導爵始興郡公升平末爲儀曹郎後爲丹楊尹卒贈

太常

立琅邪王不議

升平五年

今立之於大行皇帝廟則兄弟凡奠祭之文皆稱哀嗣斯蓋所已

仰參昭穆自同繼統在茲一人不巳私害義專已所後爲正今皇太后德訓弘著率母儀於內主上既纂業承統亦何得不述遵於禮

通典八十

王謚

謚字惟遠導孫襲父協爵武岡侯拜祕書郎轉丞歷中軍長史黃門郎侍中桓玄輔政已爲建威將軍吳國內史進中書令領軍將軍吏部尙書遷中書監加散騎常侍領司徒兼太保玄篡位封武昌縣開國公玄敗已本官加侍中領揚州刺史錄尙書事義熙三年卒追贈侍中司徒謚曰文恭有集十卷

疏

夷庚未入乘輿旋館

文選辨亡論注引臧榮緒晉書

殷祭議

有非常之慶必有非常之禮殷祭舊準不差恭施於經常爾至於

義熙之廢經古莫二雖曰反正理同受命愚謂履運惟新於是乎始宜用四月宋書禮志三通典四百十九元興三年領司徒王謐并楊尹孟昶議

與釋慧遠書

年始四十七而衰同耳順釋藏卷九入百五

荅桓玄書明沙門不應致敬王者

領軍將軍吏部尚書中書令武岡男王謐惶恐死罪奉誨及道人抗禮至尊并見與八座書具承高旨容音之唱辭理兼至近者亦粗聞公道未獲究盡尋何庾二旨亦恨不悉已爲二論漏於偏見無曉然懸心處真如雅誨夫佛法之興出自天竺宗本幽遐難已言辨既涉乎敏故可略而言耳意已爲殊方異俗雖所安每乖至於君御之理莫不必同今沙門雖意深於敬不巳形屈爲禮迹充率土而趣超方內者矣是已外國之君莫不降禮良已道在則貴不巳人爲輕重也尋大法宣流爲日諒久年踰四百歷代有三雖

弘明集
卷下
有目
子

事下脫
哉字

介作分
批作報

風移政易而弘之不異豈不曰獨絕之化有用於陶漸清約之風
無害於隆平者乎故王者拱己不恨恨於缺戶沙門保真不自疑
於誕世者也承旨通生理物存乎王者考諸理歸實如嘉論三復
德音不能已已雖欲奉訓言將無寄猶曰爲功高者不賞惠深者
忘謝雖復一拜一起亦豈足答濟通之德哉公答略未遺猥見逮
問輒率陳愚管不致嫌於所奉耳願不曰人廢言臨白反側謚惶
恐死罪

沙門不拜
俗事一

答桓玄難

難曰沙門之敬豈皆略形存心懺悔禮拜亦篤於事答曰夫沙門
之道自己敬爲主但津塗旣殊義無降屈故雖天屬之重形禮都
盡也沙門所已推宗師長自相崇敬者良已宗致旣同則長幼成
序資通有係則事與心應原佛法雖曠而不遺小善一介之功執
亦應之積毫成山義斯著矣

書作吉
周作周
乎下脫
殆將然
乎

難曰君道通生則理應在本在三之義豈非情理之極哉答曰夫君道通生則理同造化夫陶鑄敷氣功則弘矣而未有誨惠於所稟搭感於理本者何良曰冥本幽絕非物像之所舉運通理妙豈麗迹之能酬是曰夫子云可使由之不可使知之此之謂也

難曰外國之君非所應喻佛教之興亦其旨可知豈不曰六夷驕強非常教所化故大設靈奇使其畏服答曰夫神道設教誠難已言辯意曰爲大設靈奇示已報應此最影響之實理佛教之根要今若謂三世爲虛誕罪福爲畏懼則釋迦之所明殆將無寄矣常曰爲周孔之化救其甚弊故言迹盡乎一生而不開萬劫之塗然遠探其言亦往往可尋孝悌仁義明不謀而自同四時之生殺則矜慈之心見又屢仰伸由之間亦自有深旨但教體既殊故此處常昧耳靜而求之殆將然乎

難曰君臣之敬逾敦於禮如此則沙門不敬豈得曰道在爲貴哉

徑作敬

客作客

故作胡
也作耶

答曰重尋高論。已爲君道運通理同三大。是已前條已粗言。意已爲君人之道。竊同高旨。至於君臣之敬。則理盡名教。今沙門既不臣王侯。故徑與之廢耳。

難曰。歷代不革。非所已爲證也。曩者晉人略無奉佛。沙門徒眾皆是諸胡。且王者與之不接。故可任其方俗。不爲之檢耳。答曰。前所已云。歷有年代者。正已客養之道。要當有已故耳。非謂已然之事。無可改之理也。此蓋言勢之所至。非愷然所據也。故人不接王者。又如高唱。前代之不論。或在於此也。

難曰。此蓋是佛法之功。非沙門做誕之所益。今篤已祇敬。將無彌濃其助哉。答曰。敬尋來論。是不誣佛理也。但做誕之迹。有虧大化。誠如來誨。誠如來誨。意謂沙門之道。可得稱異。而非做誕。今若已千載之末。清風轉薄。橫服之徒。多非其人者。敢不懷愧。今但謂自理而默。差可遺人而言道耳。前答云。不已人爲輕重。微意在此矣。

之作之
且作且

雖曰若已功深惠重必略其謝則釋迦之德爲是深邪爲是淺邪
若淺邪不宜已小道而亂大倫若深邪豈得彼肅其恭而此施其
敬哉答曰已爲釋迦之道深則深矣而瞻仰之徒彌篤其敬皆此
蓋造道之倫必資行功行功之美莫尚於此如斯乃積行之所固
來世之關鍵也且致敬師長功猶難抑況擬心宗極而可替其禮
哉故雖俯仰累劫而非謝惠之謂也沙門不拜
俗事一

重答桓玄難

奉告并垂重難其承高旨此理微細至難措言又一代大事應時
詳盡下官才非拔幽特之研析具妙難精詣益增茫惑但高音既
臻不敢默已輒復率其短見妄酬來誨無已啟發容致祇用反側
願復詢諸道人通才竭其不逮公云宗致爲是何耶若已學業爲
宗致者則學之所學故是發其自然之性耳苟自然有在所由而
稟則自然之本居可知矣今已爲宗致者是所趣之至道學業者

日用之筌蹄今將欲趣彼至極不得不假筌蹄已自運耳故知所假之功未是其絕處也夫積學已之極者必階巍已及妙魚獲而筌廢理斯見矣公已爲神奇之化易仁義之功難聖人何緣捨所易之實道而爲難行之末事哉其不然也亦已明矣意已爲佛之爲教與內聖永殊旣云其殊理則無竝今論佛理故當依其宗而立言也然後通塞之塗可得而詳矣前答所已云仁善之行不殺之行其若侶可同者故引已就此耳至於發言抗論津徑所歸固難得而一矣然愚意所見乃更已佛教爲難也何已言之今內聖所明已爲出其言善應若影響如其不善千里違之如此則美惡應於俄頃禍福交於目前且爲仁由己弘之則是而猶有棄正而卽邪背道而從欲者矣況佛教喻一生於彈指期要終於永劫語靈異之無位設報應於未兆取之能信不亦難乎是已化暨中國悟之者渺故本起經云正言侶反此之謂也公云行功者當計其

介作分
斯作期

創作形

爲功之勞何得直曰珍仰釋迦而云莫尙於此邪請試言曰已爲
佛道弘曠事數彌繁可曰練神成道非唯一事也至於存心無倦
於事能勞珍仰宗極便是行功之一耳前答所已云莫尙於此者
自謂擬心宗徹其理難尙非謂禮拜之事便爲無取也但既在未
盡之域不得不有心於希通雖一介之輕微必終斯之所須也公
云君臣之敬皆是自然之所生理篤於情本豈是名教之事耶敬
揖高論不容閒然是已前答云君人之道竊同高旨者意在此也
至於君臣之敬事盡揖拜故已此爲名教耳非謂相與之際盡於
創迹也請復重申已盡微意夫太上之世君臣已位自然情愛則
義著化本於斯時也則形敬蔑聞君道虛運故相忘之理泰臣道
冥陶故事盡於知足因此而推形敬不與心爲影響殆將明矣及
親譽旣生茲禮乃興豈非後聖之制作事與時應者乎此理虛貌
良難爲辯如其未允請俟高亮

沙門不拜
俗事一

駭作該

桓作恆

三荅桓玄難

重虧嘉誨云。佛之爲教。曰神爲貴。神之明暗。各有本分。師之爲理。在於發悟。至於君道。則可曰申遂此生。通其爲道者也。而爲師無駭通之美。君有兼師之德。弘崇主之大禮。折在三之深淺。實如高論。實如高論。下官近所曰脫言鄙見。至於往反。若緣顧問。既華不容自隱。乃更成別辯一理。非但習常之惑也。既重研妙旨。理實恢邈。曠若發矇。於是乎任承已令。庾桓施行其事。至敬時定。公私幸甚。下官瞻仰所悟。義在繫節。至於濠上之誨。不敢當命也。沙門不拜俗事

王廐

廐。鎮軍將軍。薨之。子導之孫。歷太子中庶子。司徒左長史。隆安初。王恭舉兵。假建武將軍。吳國內史。尋背恭。爲劉牢之所敗。亡走。不知所在。

與靜媛等疏

告誘靜媛靜儀靜排此晦便當假葬永痛抽剝心情分割不自勝
念汝等追痛摧慟纏絲斷絕何可堪任痛當奈何當復奈何遣涕
不次獻疏

宣化閣
帖三

王廙

廙字世將導從弟惠帝時辟太傅掾轉參軍從迎大駕封武陵
縣侯拜尚書郎出爲濮陽太守元帝鎮江東已爲司馬歷廬江
鄱陽二郡太守除冠軍將軍鎮石頭領丞相軍諮祭酒出爲寧
遠將軍荊州刺史及卽位徵爲輔國將軍加散騎常侍尋拜征
虜將軍進左衛將軍王敦已爲平南將軍領護南蠻校尉荊州
刺史卒贈侍中驃騎將軍諡曰康有集三十四卷

洛都賦

其河東鹽池玉潔水鮮不勞煮沃成之自然

書鈔一百四十六引
王冀洛都賦乃王廙

之誤

雞頭溫水魯陽神泉不覺自沸熱若焦然爛毛燭卵煮絹濯鮮痿

瘵非痂浸之則痊功邁藥石勳著不言初學記七引兩條

玉井球欄疑若積霜正殿雙翼是日兩堂初學記七

肇建三市塵開疆理列肆雲曼脩層高峙初學記二十四

挈壺司刻漏樽瀉流仙吏秉尺隨水沈浮御覽

若乃暮春嘉禋三巳之辰貴賤同游方驥齊輪麗服靚妝祓乎洛

濱流芳塞路炫日映雲北堂書鈔一百五十五御覽三十

若乃黃甘荔支殊口遠珍雖非土方之所產重九譯而來臻御覽

六十

銅馬朱櫻房陵緇李御覽九百六十八

豹祠赤杏胡竝丹柿甘液滋脆不經牙齦御覽九百六十八九百七十一

瓜則桂枝栝樓綠臙青肌消暑蕩穢解渴療飢御覽九百七十八

思逸民賦

左披文曰遺話講六藝之宏收

文選褚淵碑文注

笙賦

其制器也則取不周之竹曾城之匏生懸崖之絕嶺邈崖峯曰崇高延修頸曰亢首厭瑤口之陸離舞靈蛟之素鱗銜明珠於帶垂弱舌紙薄鈇錘內藏合松臍曰密際揉彤丹曰發光執文類聚四十六初學記

金清而玉振

初學記十六

親昵遠遊登山送離發千里之長思詠別鶴於路岐同上

直而不倨曲而不挑疏音簡韻樂不乃妙足可曰易俗移風興洽

至教弘義著於典謩兮歷萬代而彌劭同上

白兔賦

并序

丞相琅邪王始受旄節作鎮北方仁風所被迴面革心昔周旦翼

全晉文卷二十

王虞

十

成越裳重譯而獻白雉著在前典歷代已爲美談今在我王匡濟

皇維而有白兔之應可謂重規累矩不忝先聖也

藝文類聚九十五

曰皇大晉祖宗重光固坤厚已爲基今廓乾維已爲綱方將朝服

濟江傳檄舊國反梓宮於舊塋今奉聖帝乎洛陽建中興之遐祚

今與二儀乎比長於是古之有德則納瑞而求安無德則不勝而

爲災赤烏降於周文今尙稱曰休哉桑穀生於殷庭今中宗克已

已成仁雖雉登天鼎耳今武丁責躬而教純

初學記二十九

春可樂

春可樂兮樂孟月之初陽冰泮渙已微流土冒橛而解剛野暄卉

已揮綠山葱蒨已發蒼

藝文類聚三御覽二十

吉辰兮上戊明靈兮唯祉百室兮必集祈祭兮樹下濯荝兮蒞韭

鬻隸兮擗鮓縹醪兮浮蟻交觴兮竝坐氣和兮體適心怡兮志可

御覽五百

三十二

弱簞平端

制贊
百人

若乃良辰三祖祈始吉元華壇峻口羽蓋幢幡書鈔一百五十五

奏中興賦上疏

臣託備肺腑幼蒙洪潤爰自鄙亂至於弱冠陛下之所撫育恩作於兄弟義同於交友思欲攀龍鱗附鳳翼者有年矣是日昔忝滢陽棄官遠跡扶持老母攜將細弱越長江歸陛下者誠曰道之所存願託餘庇故也天誘其願遇陛下中興當大明之盛而守局遐外不得奉瞻大禮聞問之日悲喜交集昔司馬相知不得覩封禪之事慷慨發憤況臣情則骨肉服膺聖化哉又臣昔嘗侍坐於先后說陛下誕育之日光明映室白毫生於額之左相者謂當王有四海又臣己壬申歲見用爲郃陽內史七月四星聚於牽牛又臣郡有枯樟吏生及臣後還京都陛下見臣白兔命臣作賦時瑯邪郡又獻甘露陛下命臣嘗之又驃騎將軍導向臣說晉陵有金鐸

之瑞郭璞云必致中興璞之父篋雖京房管輅不過也明天之歷
數在陛下矣臣少好文學志在史籍而飄放遐外常與桀寇爲對
臣犬馬之年四十三矣未能上報天施而讐負屢彰恐先朝露填溝
壑令微情不得上達謹竭其頑獻中興賦一篇雖未足目宣揚盛
美亦是詩人嗟嘆詠歌之義也

晉書王
廙傳

書

廿四日廙白唯久白想適妙來行未面遲想得七月十三日告藉
之等近日遣王秋書不言月行復半念汝獨思不可堪屈奈何奈
何雨涼不差

潘化閻
帖一

嬖何如汝所患遂差未懸心不可言阿母蒙恩上下悉佳宜可行
瘡如復斷要取未斷愁人宜復具日發與別惻惻不可言今遣使
未北反書不足白復會日消息廙疏

潘化閻
帖二

宰我讀

翩翩宰我首名言語志表義章英辭風舉

初學記十七

保傳後

保傳之賢明宗國用益輔弼之不忠禍及于躬無曰父子無間昔有潘崇無曰至親無二或容江充

御覽二百六

婦德箴

團團明月魄滿則缺亭亭陽暉曜過則逝天地猶有盈虧況華豔之浮孽是曰淑女鑒之戰戰乾乾相彼七出順此話言懼茲屋漏畏斯新垣在昧無愧幽不改虔

藝文類聚四十

王胡之

胡之字脩齡廐第二子歷吳興太守侍中丹楊尹遷西中郎將平北將軍司州刺史未行而卒有集十卷

釋奠表

伏承仰遵古典日今月吉日釋奠先聖率土臣民順風載悅臣宿

嬰重患不獲陪列豫覩蕭蕭穆穆之容仰望雲漢伏枕欣慨初學記十

四

上疏薦沈勁

臣當藩衛山陵式遏戎狄雖義督羣心人思自奮然方翦荆棘奉宣國恩艱難急病非才不濟吳興男子沈勁清操著於鄉邦貞固足已幹事且臣今西文武義故吳興人最多若令勁參臣府事者見人既悅義附亦眾勁父充昔雖得罪先朝然其門戶累蒙曠蕩不審可得特垂沛然許臣所上不晉書忠義沈勁傳王胡之遷平北將軍司州刺史鎮洛陽上疏與庾安西箋

此開萬頃江湖撓之不竭澄之不淆而百姓投一綸下一筌者皆奪其魚器不輪十足則不得放不知漆園吏何得持竿不顧漁父鼓枻而歌滄浪也御覽人百三十四

遣從弟洽書

弟今二十九便居清顯要任敢不敬已先旨爲弟啟義讓之路焉
若吾年至四五十之間雖復朝廷超登公輔亦非吾所豫況降此
旨還者邪衛覽二百二十引晉陽秋

賜進士出身三品銜廣東等處提刑按察使司按察使兼管驛傳事務清岡王毓藻校刊

全晉文卷二十一

烏程嚴可均校輯

王彪之

彪之字叔虎

見清化閣帖七晉書作叔武唐人避諱改耳

庶弟彬之次子為著作佐

郎東海王文學武陵王晞已為鎮軍司馬累遷尚書左丞司徒

左長史御史中丞侍中廷尉轉吏部尚書又轉領軍將軍遷尚

書僕射不拜徙太常領崇德衛尉復轉尚書僕射出為鎮軍將

軍會稽內史加散騎常侍已忤桓溫檻車收下吏會赦免左遷

尚書尋復為僕射遷尚書令轉護軍將軍太元二年卒年七十

三贈光祿大夫儀同三司諡曰簡有集二十卷

廬山賦

序

廬山彭澤之山也雖非五嶽之數穹隆嵯峨實峻極之名山也

廬山經水注

水賦

寂閑居。曰遠詠。託上善。曰寄言。誠有無而大觀。鑒希微於清泉。泉清恬。曰夷淡。體居有而用玄。渾无心。曰動寂。不凝滯于方圓。湛幽邃。曰納污。泯虛柔。曰勝堅。或淅浪於無外。或纖入於無間。故能委輸而作四海。決導而流百川。承液而生雲雨。涌凝而爲甘泉。初學記六

井賦

考五材之物化。寂寞感而資靜。水帶地而壤潤。月流天而宵炯。燧鑽木而發火。益穿坤而構井。慕玄義之靈爻。仰東宿之飛景。步土脈。測水泉。方欄結。幺懸懸。懸沈瓶而玄汲。飛纖綆而幽牽。於是杳黃墟之選鮮。潤下之潔澄。澄潤恬。曰清冷。淳泓朗。曰寥戾。協大陰。曰化液。體上善。曰流惠。初學記七

三伏焦暑。亢陽重授。輕颺不弱。纖雲不攬。初學記四

閩中賦

林緇白鷗御覽九百一十四

木則藤虹龍采於峻嶽流星麗光於高林御覽九百五十三

果則□御覽九百柳朱柿扶餘枇杷御覽九百七十一

玉壇侯栗御覽九百六十四又九百七十四

竹則苞甜赤箬縹箭班弓度世推節征合實中簣簣函人桃枝育

蟲細箬素笈彤竿綠筒掛岡坻之莽蓐漫原澤之蓊蒙齊民要術初學記

二十

藥草則青珠黃連奉柏決明蓰蓉鹿茸漏蘆松榮痊疴則年永練

質則翰生御覽九百八十四

賦

於是乎統體而詠之文選任昉王文憲集序注引王龍之賦

正納皇后禮升平元年

王者之於四海無非臣妾雖復父兄之親師友之賢皆純臣也夫

崇三綱之始。已定乾坤之儀。安有天父之尊。而稱臣下之命。已納
伉儷。安有臣下之卑。而稱天父之名。已行大禮。遠尋古禮。無王者
此制。近求史籍。無王者此比。於情不安。於義不通。案咸寧二年。納
悼皇后時。弘訓太后。母臨天下。而無命咸屬之臣。爲武皇父兄主
婚之文。又考大晉已行之事。咸寧故事。不稱父兄師友。則咸康華
恆所上。合於舊也。臣愚謂今納后儀制。宜一依咸康故事。晉書禮志下宋

納采版文璽書

皇帝咨前太尉參軍都鄉侯何琦。混元資始。肇經人倫。爰及夫婦
曰奉宗廟。天地社稷。謀於公卿。咸曰爲宜。率由舊典。今使使持節
崇德衛尉領太常彪之。兼宗正散騎侍郎綜。曰禮納采。晉書穆章

禮志下通典五十八

問名版文

皇帝曰咨前某官侯何兩儀配合承天統物正位乎內必俟令族
重申舊典今使使持節某官彪之某官綜晉書禮志下禮問名通典五十八

納吉版文

皇帝曰咨前某官何人謀龜從僉曰貞吉敬順典禮今使使持節
某官彪之某官綜晉書禮志下禮納吉通典五十八

納徵版文

皇帝曰咨某官某侯何之族女有母儀之德窈窕之姿如山如河
宜奉宗廟永奉天祚晉書禮志下呂玄纁皮鼠馬羊錢璧晉書禮志下呂章典禮今使使持
節兼司徒光祿勳關內侯恪崇德衛尉領太常彪之晉書禮志下呂禮納徵通典五十八

禮志下通
典五十八

請期版文

皇帝曰咨前某官某侯何謀於公卿大筵元龜罔有不臧率遵典
禮今使使持節某官彪之某官綜晉書禮志下禮請期通典五十八

迎后版文

皇帝曰咨前某官某侯何歲吉月令吉日惟某率由典禮今遣使持節兼太保侍中太宰武陵王暉太尉某目禮迎

晉書禮志下
通典五十八

冊立皇后何氏文

維升平元年八月皇帝使使持節兼太保侍中太宰武陵王暉冊命散騎侍郎女何氏爲皇后咨爾易階乾坤詩首關雎王化之本實由內輔是故皇英嬪虞帝道日光姪姒母周將嗣克崇皇后其祇助厥德曰肅承宗廟虔恭中饋盡敬婦道帥導六宮作範儀於四海皇天無親惟德是依可不慎歟

通典五十八

整市敕

古人同市朝者豈不曰眾之所歸宜必去行物近檢校山陰市多不如法或店肆錯亂或商估沒漏假冒豪彊之名擁護貿易之利凌踐平弱之人專固要害之處屬城承寬亦皆如之

初學記
二十四

上書論皇太子納妃用玉璧虎皮

或者虎取威猛有斑彩蔚玉象德而有溫潤珪璋亦玉之美者豹

皮彩蔚曰譬君子王肅納徵辭云玄纁束帛儷皮雁羊前漢亦無

用羊之禮鄭氏婚物贊曰羊者祥也婚之有羊自漢末始通典五十八

案鄭眾卒於建初八年而云漢末蓋誤涉康成耳

上書論皇后拜訖上禮

上禮唯酒饋而已饋十頭酒十二斛王公已下名在三節祥瑞自

簡慶賀錄者悉賀左傳曰會吳於網吳徵百牢子服景伯曰周制

上物不過十二天之數也太學博士雖不在賀而常小會者同

悉應上禮通典五十九升平元年臺符問皇后拜訖何官應上禮上禮悉何用太常王彪之上書

上言開陵皇太后服永和十二年

二學博士荀詡曹耽等議如右臣雖與之同議議各有辭太后臨

朝稱制體同皇極則亦宜服總議有二君之嫌通典一百二

奏議陳畱王廢疾求立後

升平元年

臣按訥耽二議爲許其所陳也各無明文臣以爲經史所記未有南面稱孤而曰病疾退爲庶人者也勳纂封先代近四十年位在朝賓今曰疾退既廢之後若同庶人則名賤而役厥處曰朝官則職替而班下曰舊禮則制重而無位量茲三義莫知其禮宗廟享祭禮有假攝古今依禮行之有由來矣

通典七十四

奔喪議

昔太監之難奔赴無過三年之限恭皇后不宜踰先制禮爲君之母妻居處飲食衍爾君已除喪而後聞喪不稅而責其奔此臣所疑也且宜一依濠所上

通典八十

婚禮不賀議

按婚禮不賀不樂傳稱子罕如晉賀夫人既無明文又傳不云禮也禮娶婦之家三日不舉樂至於不賀無三日之斷

通典五十九

后議賀不
王彪之議

婚不舉樂議

婚禮不樂鼓吹亦樂之總名儀注所曰無者爲婚禮也臣伏重詳
禮云婚禮不作樂幽陰之義樂陽氣也又云娶婦之家三日不舉
樂思嗣親也自王者下達迎大駕鹵簿及至尊升太極竝闕此條
當是依三日不舉樂之禮愚謂殿庭設大駕鹵簿鼓吹竝可備儀
而已通典五十九升平元年八月符問迎
皇后大駕應作樂不太常王彪之議

魏晉舊制晝夜漏既盡門鳴鼓鳴鐘吉凶鼓鐘常用非樂也舊儀
皇帝乘輿列閭闔掖門鳴鼓鐘所曰聲告内外耳今自應施鐘若
他事會黃門侍郎舉麾舊應作宮懸金石之樂鳴鐘鼓中朝無宮
懸設軒懸中興已來無此樂故唯作鼓吹鳴鐘曰擬宮懸金石耳
婚禮三日不作樂經典明文愚謂宜如舊儀至尊升殿舉麾作樂
迎皇后大駕不應鼓吹通典同上南臺太常主
者按云云彪之又議

日食廢朝會議

永和中殷浩輔政又欲從劉邵議不御會王彪之議曰禮云諸侯旅見天子不得終禮而廢者四自會卒暴有之非謂先存其事而僥倖史官推術錯謬故不先廢

通典七十八

太后爲親屬舉哀議

若至尊自應舉哀外族於朝堂是也自若不舉哀唯應從太后遠出朝堂未喻其禮謂從舉哀之禮自中朝迄於中興朝廷已粗有常儀至尊爲內族於東堂舉哀則三省從臨爲外族及大臣於朝堂舉哀則八座丞郎從臨至尊之奉太后卽率朝臣之儀又盡家人之禮二三情敬實兼參臣子今不應自舉哀者謂應從太后臨於式乾殿太后位西面東向至尊位北面南向

通典八十一褚太后爲從弟舉哀尚

之議

駁彭城國李太妃議

由於婦人無爵。既從夫爵，則已無實爵。曰從爲稱也。曰從爲稱，則無諡可知。春秋婦人有諡者，周末禮壞耳。故服虔注聲子之諡，非禮也。杜氏注惠公仲子亦云非禮。婦人無諡，秦始皇曰來，藩國王姬，無有諡者。中興敬后登祚，乃追諡耳。琅邪武王諸葛妃，恭王夏侯妃，元帝猶抑蒸蒸之至，不追諡。今彭城太妃不應諡。通典一百四

省官并職議

爲政之道，曰得賢爲急。非謂雍容廊廟標的而已。固將蒞任贊時，職思其憂也。得賢之道，在於蒞任。蒞任之道，在於能久。久於其道，天下化成。是曰三載考績，三考黜陟，不收一切之功，不採速成之譽。故勳格辰極，道融四海，風流遐邇，聲冠百代。凡庸之族，眾賢能之才，寡才寡於世，而官多於朝。焉得不賢鄙共貫，清濁同官。官眾則闕多，闕多則遷速。前後去來，更相代補，非爲故然，理固然耳。所曰職事未修，朝風未澄者也。職事之修，在於省官。朝風之澄，在於

并職官省則選清而得久職并則吏簡而俗靜選清則勝人久於其事事久則中才猶足有成今內外百官較而計之因應有并省者矣六卿之任太常望雅而職重然其所司義高務約宗正所統蓋渺可已并太常宿衛之重二衛任之其次驍騎左軍各有所領無兵軍校皆應罷廢四軍皆罷則左軍之名不宜獨立宜改海警已對驍騎內官自侍中已下舊員皆四中興之初二人而已二人對直或有不周愚謂三人於事則無闕也凡除諸官無綜事實者可令大官隨才住所帖而領之若未能頓廢自可因缺而省之委之已職分責之已有成能否因考績而著清濁隨黜陟而彰雖緝熙之隆康哉之歌未_{下有}可使庶官之選差清蒞職之日差久無奉祿之虛費簡吏寺之煩役矣_{晉書王彪之傳}案此因桓溫陳便宜七事因上議云云已御覽二百三及桓溫傳互證自明

帝加元服議

禮雖有喪冠當是應冠之年服制未終若須服終便失應冠之年故也
禮所已冠無定時月春夏不可便用秋冬若今歲內修復未畢入新年
卜仲春之日加元服不失年不失禮今便準喪冠闕饗樂而行事
誠有倚傍然加袞冕火龍煥然已準喪儀情有不體若別有事必
速加元服權諸輕重不須修復畢者便當準喪冠耳通典五十六
孝武將冠太

常王彪
之議

新年至尊當加元服今若依成帝故事用三元日者冠有金石之
樂恐修山陵未必於樂便闕禮冠自卜日又云夏葛履冬皮履無
定時不必三元也按晉故事及兩漢皆非三元當任時事之宜耳
通典五
十六

近訪得成皇帝加元服儀注闕無拜廟事按禮冠皆於廟儀禮云
既畢賓出主人送於廟門明必在廟近代已來不復在廟成皇帝
既加元服拜太廟已告成蓋亦猶擬在廟之儀今既加元服亦應

拜廟

通典五十六

優遇陳畱王議

禪讓之始王與繼嗣之末孫降殺殊矣是呂春秋之會杞不異列宋不殊位今陳畱王朝會自任其來則無繩墨之準既已來朝則應有常次至於大會升殿雖無上位然無殊別之座名同朝錄將事有例且朝錄蓋是紀官名之簡

通典七十四

優賻陳畱王議

山陽公薨故事給絹二百匹山陽於今稍遠今可特給絹布二百匹錢三十萬宜少優於山陽

通典七十四

諱議

凡訓體憲章經典無文者則當準已行之舊令議者所從是右丞議也按右丞議云門縣改名既頒天下則朝臣不得不諱意已爲門縣名已犯先帝所生之諱故先帝時改之與明穆皇后臨朝除

光祿勳字義體同爾。竝皆頒下著令。知官名之改。非頒下令人皆諱之也。謂尙書奏事詣先帝。令上書爲諱耳。太后及朝臣竝應諱之義。今者奏事詣太后。何諱之有。而乃稱太后制書遠推之乎。議又喻呂父之所諱。竊呂父子天性。君臣異族。君之所諱。何必盡同。元明哀三帝之朝。無呂所生之諱。頒行天下。令人皆同諱。則臣不同子之一隅也。明臣之所諱。君之母妻。諱者諱小君之諱耳。且四海之人。皆小君之臣妾。非生之臣妾也。呂小君之諱。列於諱榜。故天下同諱。所生之諱。不列諱榜。故天下不同諱。於時主相賢明。朝多雋彥。今所應準。而議云非今所議。竊所未達。又云母呂子貴。三帝之母。不呂子貴邪。議又云章皇太妃之喻。殆非今嫌。旣不解哀帝所生。何呂獨非今嫌。又今上卽位。所生李淑妃。諱何呂不頒天下。與簡文皇帝順皇后諱率土同諱之乎。中興有八帝。迄今上五帝有所生。豈可四帝所生。普天下不諱。而簡文帝所生。獨率土同

諱平謂王尙書傅郎議爲允

通典一百四

太后父喪廢樂議

今若鐘懸鼓吹皆可已作者其餘羽毛絲竹奚爲廢之竊所未喻元皇后秋崩武帝咸寧元年饗萬國設樂恭皇后夏崩成帝咸康八年饗萬國不盡徹樂未詳二帝故事孰得孰失且恭皇后崩垂向周月朝行權制六宮煥然故已卽吉經時雖尊於萬國然於帝爲卑不盡徹樂之詔或指在於斯也縱令咸康末不盡徹樂已爲合禮亦非所已證今明喻也禮云母有喪聲聞焉則不舉樂夫人之事親尊自王者達於庶人不已貴賤異禮也皇太后始居至哀縗服在躬號哭無時鼓鐘歌籥之音實聞於內殿非禮所謂不舉樂之說今所欲存者輕所爲廢者重略輕崇重附禮合情敦於禮訓於是乎在意如前議謂應設鼓懸鐘而不作

通典一百四十七

喪不數聞啟

或曰問附七月宜用閏月除者或曰閏名雖附七月而實已三旬別爲一月故應已七月除者臣等與中軍將軍沖參詳一代大禮宜準經典三年之喪十三月而練二十五月而畢禮之明文也陽秋之義閏在年內則略而不數明閏在年外則不應取之已越禁忌之重禮制祥除必正朞月故也

晉書禮志中宣康二年七月簡文帝崩再周而遇閏王彪之啟

荅臺符問小功服成婚

二王出後二國禮爲人後降本親一等又云爲姑姊妹適人者小功二王應制小功之服禮小功絕哭可已娶妻下殤之小功則不可先儒之說本齊衰之親故除喪而後可婚今二王雖已出後降服本亦齊衰之親情例如禮不應成婚

通典六十東晉臺符廬陵公主薨取邪東海二王於

禮爲應得婚與否太常王彪之云云

荅撫軍訪郊祀有赦

中興已來郊祀往往有赦恩意常謂非宜何者黎庶不達其意將

謂郊祀必赦至此時凶惡之輩復生心於僥倖矣

晉書王彪之傳時當南郊簡文

帝爲撫軍執政訪彪之應有赦不答云云從之

上牋陳雷弱兒事

弱兒等容有詐僞浩未應輕進

晉書王彪之傳

與會稽王牋

王濛女有同生之哀計其日月尙未絕哭豈可成婚凡在君子猶

愛人曰禮況崇化之主邪曰此爲聖朝故事寧可執訓當今宣流

後裔忝備禮官情有不妥謹具白所懷

通典六十

王者君臨萬國曰禮義聲教也今若皇子獨違規矩恐遐邇之譏

必不許也且自元康以來朝臣之家犯禮婚者不見重責故尙書

僕射裴頠當代名士於時曰兄弟子喪未爲息拜時其息服除也

議者謂父子竝應貶責兄弟子下流之喪不同於姑古者諸侯絕

周而卿大夫之喪在殯猶不舉樂不曰本周喪未葬行嘉禮也況

廬陵長公主於禮法不應絕服況喪未葬乎

通典六十

答會稽王書

女有大功服若初婚者禮例無許既已拜時猶復不同昔中朝許侍中等曾議此事曰爲拜時不應曰喪爲疑倚傍經禮甚有理據

談者多謂是殿下可視而量之

通典五十九會稽王遺子與王彪之書彪之答云云

與揚州刺史殷浩書

太史上元日合朔談者或有疑應卻會與不昔建元元年亦元日合朔庾車騎寫劉孔才所論曰示八座於時朝議有謂孔才所論爲不得禮議苟令從之是勝人之一失也何者禮云諸侯旅見天子入門不得終禮而廢者四太廟火日蝕后之喪雨露服失容此四事之指自謂諸侯雖已入門而卒暴有之則不得終禮非爲先存其事而徼倖史官推術錯謬故不豫廢朝禮也夫三辰有災莫大日蝕史官告譴而無懼容不修豫防之禮而廢消救之術方

大饗華夷君臣相慶豈朕是將虔天災罪己之謂且檢之事實合朔之儀至尊靜躬殿堂不聽政事冕服御坐門闔之制與元會禮異自不得兼行則當權其事宜合朔之禮不輕於元會元會有可卻之禮唯合朔無可廢之義謂應依建元故事卻元會

魏志劉劭傳注又御

覽二十九引晉起居注

荅孔嚴論蔡謨諡書

按諡法布德執義曰穆謂此名目殊爲不輕太始何張皇后大寧庾太后竝諡曰穆魏司空陳泰王昶賀循皆名士也竝諡曰穆此與蔡公名體相應中朝復諡亦不勝單安平獻王孚齊獻王攸竝單諡自頃復諡者非大晉舊典必重複諡也蓋是近來儒官相承近意耳皆顧命重勳或居分陝或處阿衡蔡公存謙素之懷不當此任於今詠之所曰不復諡欲令異於數公所曰標沖虛述德美也又中朝及中興曾居師傅及錄臺事者亦皆不復諡山李二司

徒吾族父安豐侯近賀司空荀太尉魏周光祿顗或曾師傅或曾
總錄竝不復諡吾謂此諡弘美不應翻改按諡法條有限而應諡
者無限亦何得令名德必皆齊同遠準周之文武則後代不應復
得通用此名近校晉朝舊比山濤荀勗周顗諡康羊祜荀勗同諡
成此例甚眾不可悉載近朱伯高諡簡時尚書符卻已不應與和
嶠同諡蔡為太常據上論可同理甚有義遂便施行蔡家固當有
比故事準例如此復無所為疑通典一百四

二疏畫詩序

余自求致仕口政事累詔不聽因扇上有畫二疏事作詩一首以
述其美書鈔一百三十四御覽七百五十

伏犧讚

悠悠皇犧體寂神澄無為而化世道之凝下知有之冥感自興因
應之跡畫象結繩初學記九

王納之

納之彪之孫元興中尚書左丞後爲御史中丞

議郊祀不得三公行事

既殯郊祀自是天子當陽有君存焉稟命而行何所辨也齊之興否豈如今日之比乎議者又云今宜郊故是承制所得命三公行事又郊天極尊唯一而已故非天子不祀也庶人呂上莫不蒸嘗嫡子居外庶子執事禮文炳然未有不親受命而可祭天者又武皇受禪用二月郊元帝中興呂三月郊今郊時未過日望輿駕無爲欲速而無據使皇輿旋返更不得親奉宋書禮志三安帝元興三年宋高祖討桓玄走之已卯告義功於南郊是年帝蒙塵江陵未返其明年應郊朝議召爲依周禮宗伯攝職三公行事尚書左丞王納之獨云云又見通典四十三

王曠

曠廙弟惠帝時侍中出爲丹陽太守永嘉中爲淮南內史有集

五卷

與東海王越書

裴邵在此雖不治事然識量弘淹此下人士大敬附之

魏志裴潛傳注

與揚州論討陳敏計

賊今下屯固橫江

御覽三百三十七

復據烏江皆塹壘彭排鹿角步安嚴峻

呂襲歷陽諸軍御覽三百三十七

王遠

遠曠弟

閣帖題云海陵恭侯當考

書

寒佳不張丞婚事云何是良對足下可時合知女決也王遠白

化潛

閣帖

賜進士出身二品銜廣東等處提刑按察使司按察使兼管驛傳事務黃岡王毓藻校刊